



# বলো কলকাতা

সর্বদা সত্যের খোজে...

All india registered digital media platfrom Reg by - Gov of india

শুভ জন্মদিন ডঃ বি আর আম্বেদকর 👛



৬ পাতা

দণ্ডি কাটিয়ে তৃণমূলে যোগ দেওয়ানোর ঘটনায় গ্রেপ্তার-২ (১)

বাংলার মানুষকে ভাতে মারার চেম্টা – মুখ্যমন্ত্রী (১)

ডিসিজিআই নির্দেশে ১৮ ফার্মা কোম্পানির লাইসেন্স বাতিল (৩)

পরিতক্ত বাড়িতে ফাঁস লাগানো মৃতদেহ উদ্ধার! ৫)

epaper.bolokolkata.com

অভিষেক ও কুন্তলকে মুখোমুখি বসিয়ে জিজ্ঞাসাবাদ করা

প্রয়োজন : প্রধান বিচারপতি

নিউজ ডেস্ক

সিবিআই ইডি এখন সবে কোমর পর্যন্ত

এগোতে পেরেছে । আশা করি শীঘ্রই তারা

মাথা খুঁজে পাবে। বৃহস্পতিবার এমনটাই

গঙ্গোপাধ্যায়। কুন্তল ঘোষের চিঠির প্রসঙ্গ

খোলসা করতে শীঘ্রই তাঁকে এবং অভিষেক

জিজ্ঞাসাবাদ করা প্রয়োজন বলে মনে

করছেন বিচারপতি গঙ্গোপাধ্যায় । তিনি

বৃহস্পতিবার মামলার শুনানিতে বলেন, এ

বছরের ২৯ মার্চ তণমলের অভিষেক

বন্দ্যোপাধ্যায় একটি জনসভা থেকে মন্তব্য

করেন, তাঁর নাম বলাতে জোর করা হচ্ছে। এই

বক্তব্যের সঙ্গে কুন্তল ঘোষের চিঠির বক্তব্যের

মিল রয়েছে । সেই জন্য অভিষেক ও

কুন্তলকে মুখোমুখি বসিয়ে জিজ্ঞাসাবাদ করা

প্রয়োজন বলে মনে করছে আদালত ।

সিবিআই-ইডির শীঘ্রই সেই জিজ্ঞাসাবাদ করা দরকার বলে মনে করছেন বিচারপতি

এরপর ৩এর পাতায়

অভিজিৎ গঙ্গোপাধ্যায়।

মুখোমুখি

করেন,বিচারপতি

বন্দ্যোপাধ্যায়কে

অভিজিৎ

বসিয়ে

কলকাতা ৩০ চৈত্র ১৪২৯, শুক্রবার ১৪ এপ্রিল ২০২৩ অনলাইন সংস্করণ



# ভিক্ষা করতে হলেও কেন্দ্রের কাছে মাথানত করব না: মমতা

#### নিজস্ব সংবাদদাতা

কলকাতা:- বাংলার মানুষকে ভাতে মারার চেষ্টা করছে । বৃহস্পতিবার আলিপুরে নবনির্মিত ধনধান্য অডিটোরিয়ামের উদ্বোধনে এসে বৃহস্পতিবার আরও একবার কেন্দ্রের বিরুদ্ধে বঞ্চনার অভিযোগ তুলে সরব হলেন মুখ্যমন্ত্রী। তাঁর দাবি, কেন্দ্রের অর্থনৈতিক বঞ্চনা থাকা সত্ত্বেও রাজ্য তার মতো করে উন্নয়নের কাজ করার চেষ্টা করছে। এই অবস্থায় তার পক্ষে মানুষের সব চাহিদা হয়তো পূরণ করা সম্ভব নয়। তাই বাংলার মানুষের কাছে তার আবেদন মানুষ যেন তাকে ভুল না বোঝে। ভিক্ষা করতে হলেও কেন্দ্রের কাছে মাথানত করবেন না বলেও জানিয়েছেন তিনি।

প্রসঙ্গত, ১০০ দিনের কাজ-সহ একাধিক কেন্দ্রীয় প্রকল্পে এই মুহূর্তে কেন্দ্রীয় সরকার রাজ্যকে টাকা দিচ্ছে না। এই নিয়ে একাধিকবার সরব হয়েছেন রাজ্যের মুখ্যমন্ত্রী মমতা বন্দোপাধ্যায়। নিজে দিল্লি গিয়ে দরবারও করেছেন। অথচ তারপরেও কেন্দ্রীয় সরকারের কাছ থেকে মেলেনি রাজ্যের বকেয়া অর্থ । পরবর্তী পদক্ষেপ হিসাবে গত মাসেই কেন্দ্রীয় বঞ্চনার বিরুদ্ধে দু'দিনের ধর্নায় বসেছিলেন মুখ্যমন্ত্রী। তারপরেও কিন্তু সমস্যা যে তিমিরে ছিল, সেই তিমিরেই রয়েছে বলে অভিযোগ। আর এই অবস্থাতে কিছুটা হলেও আক্ষেপের সুর শোনা গেল মমতা বন্দ্যোপাধ্যায়ের গলায়। বৃহস্পতিবার আলিপুরে ধনধান্য স্টেডিয়ামের উদ্বোধনে এসে মমতা বন্দ্যোপাধ্যায় বলেন, আমার সবার কাছে একটাই অনুরোধ। আমরা সবাই নিজেদের মধ্যে এত ঝগড়া করি কিন্তু ভালো কাজটা দেখতে পাই না। জন্ম থেকে মৃত্যু পর্যন্ত একাধিক জনমুখী প্রকল্প নিয়েছে রাজ্য সরকার । অথচ সরকারের এই ভালো কাজের কথা কেউ বলছে না।

এরপর এই মমতা বন্দ্যোপাধ্যায়কে বলতে শোনা যায়, আমার সমস্ত ভালো কাজের ভাবনাচিন্তা সবটাই আপনাদের থেকে পাওয়া। আমার নিজস্ব বলে কিছু নেই। আমার নিজের চাহিদা শুধু একটাই মানুষ যেন কোনোদিন আমাকে ভুল না বোঝে। কখনও কখনও অর্থে পারমিট করে, কখনও করে না। যতক্ষণ পারব, চেষ্টা করব কিছু দেওয়ার। এরপরই মমতা বন্দ্যোপাধ্যায়ের গলায় শোনা যায় কেন্দ্রের বিরুদ্ধে উষ্মা। মুখ্যমন্ত্রী বলেন, আমাদের অনেক টাকা আটকে রাখা হয়েছে। শুনেছি ২০২৪ পর্যন্ত দেবেও না। নাই দিক। দরকার হলে শাড়ির আঁচল পেতে ভিক্ষে করব মানুষের কাছে । কিন্তু দিল্লির কাছে ভিক্ষা চাইতে আমি যাব না। যেমন করেই হোক আপনাদের আশীর্বাদে, শুভেচ্ছায় চালিয়ে নেব। তবু দিল্লির কাছে মাথা নত করব না।

# শিরোনাম

- 🗲 অভিষেক ও কুন্তলকে মুখোমুখি বসিয়ে জিজ্ঞাসাবাদ করা প্রয়োজন : প্রধান বিচারপতি (১)
- নেতাজি সুভাষ মুক্ত বিশ্ববিদ্যালয়ের উপাচার্য নিয়োগ, শিক্ষায় সক্রিয় রাজ্যপাল (১)
- 🗲 ভারত ও গ্রিসের যৌথ যুদ্ধ মহড়া, চিন্তা বাড়ছে তুরস্কের (৩)
- র্যাগিংয়ের অভিযোগে বিদ্ধ,যাদবপুর বিশ্ববিদ্যালয় (৩)
- শিশু, উত্তাল নিউটাউন (৩) প্রবল দাবদাহ থেকে বাঁচতে আগামী ২ মে থেকেই গরমের

ছুটি পড়বে স্কুলগুলিতে (৩)

🗲 ঝগড়ার পরিণতি, কুপিয়ে খুন

- ঝাঁসিতে, এসটিএফের 'এনকাউন্টার'- এ নিহত উত্তরপ্রদেশের গ্যাংস্টার আতিক আহমেদের পুত্র আসাদ এবং তাঁর সঙ্গী গুলাম।
- 🕨 একদিনেই ঘুরে আসুন তারাপীঠ (৪)

(৩)

মজুরি না পেয়ে অস্থায়ী কর্মীদের আন্দোলন (৫)



## দণ্ডি কাটিয়ে তৃণমূলে যোগ দেওয়ানোর ঘটনায় গ্রেপ্তার-২

নিউজ ডেস্ক বালুরঘাটে আদিবাসী তিন মহিলাকে দণ্ডি কাটিয়ে তৃণমূলে যোগ দেওয়ানোর ঘটনায় অবশেষে বৃহস্পতিবার দু'জনকে গ্রেফতার করল বালুরঘাট থানার পুলিশ। জানা যায় ধৃত দুই তৃণমূল কর্মীদের নাম বিশ্বনাথ দাস ও আনন্দ রায়। যদিও মহিলাদেরকে যিনি দলীয় পতাকা তুলে দিয়েছিলেন সেই প্রদীপ্তা চক্রবর্তীর বিরুদ্ধে এখনও প্রশাসন কোনও

ব্যবস্থা নেয়নি বলে অভিযোগ বিজেপির তরফে।

প্রসঙ্গত, গত শুক্রবার তপনের বাদ সনকইর গ্রামের আদিবাসী তিন মহিলাকে দেখা যায় বালুরঘাটের রাস্তায় দণ্ডি কেটে তৃণমূলের দলীয় কার্যালয়ে যাচ্ছেন। তার পরেই তুণমূল জেলা কার্যালয়ে ওই তিন মহিলার হাতে দলীয় পতাকা তুলে দেন তৎকালীন মহিলা তৃণমূলের জেলা সভাপতি প্রদীপ্তা চক্রবর্তী । মহিলারা জানিয়েছিলেন, বৃহস্পতিবার তাঁরা গোফানগর এলাকায় বিজেপিতে যোগদান করেছিলেন। ঘটনার প্রায়শ্চিত্ত করতে দণ্ডি কেটে তৃণমূলে ফিরেছেন। এই ঘটনায় উত্তাল হয়ে উঠেছে রাজনৈতিক মহল ও আদিবাসী সমাজ। বিজেপির পাশাপাশি বিক্ষোভ ও আন্দোলনে নেমে পড়েন আদিবাসী সম্প্রদায়ের মানুষ। এমনকী এলাকার সাংসদ সরাসরি রাষ্ট্রপতি দ্রৌপদী মুর্মু ও এসটি কমিশনের নিকট অভিযোগ জানান। যার ভিত্তিতে বুধবার এসটি কমিশনের তরফে রাজ্য পুলিশের ডিজির কাছে রিপোর্ট তলব করা হয়। সেই দণ্ডি কাণ্ডে জডিত থাকার অভিযোগে এদিন বালুরঘাট থানার পুলিশ দু'জনকে গ্রেফতার করেছে। তাঁদের বিরুদ্ধে বিভিন্ন ধারায় মামলা রুজু করেছে বালুরঘাট থানার পুলিশ।



# নেতাজি সুভাষ মুক্ত বিশ্ববিদ্যালয়ের উপাচার্য নিয়োগ, শিক্ষায় সক্রিয় রাজ্যপাল

নিউজ ডেস্ক

বিশ্ববিদ্যালয় গুলির আর্থিক কার্যকলাপের উপর নজরদারি হোক বা সাপ্তাহিক কাজের রিপোর্ট, সব বিষয়েই ইদানীং কালে বেশ সক্রিয় ভূমিকায় রাজ্যপাল। বুধবার ওয়েস্ট বেঙ্গল স্টেট ইউনিভার্সিটি পরিদর্শনে গিয়ে, নেতাজি সূভাষ মুক্ত বিশ্ববিদ্যালয়ের কয়েকজন প্রতিনিধির সঙ্গে বৈঠক করেন রাজ্যপাল, এরপরই রাজভবনে ফিরেই সমস্যা মোচনে উদ্যোগী হয়ে, নেতাজি সুভাষ মুক্ত বিশ্ববিদ্যালয়ের জন্য অন্তর্বর্তী উপাচার্য হিসেবে ওই বিশ্ববিদ্যালয়েরই এক প্রবীণ অধ্যাপককে নিয়োগ করেন। যদিও ওই অধ্যাপক এর নাম জানা যায়নি। এই অবস্থান ঘিরে রাজভবন এবং রাজ্য সরকারের মধ্যে দূরত্ব লক্ষ্য করা যাচ্ছে বলে মনে করছেন ওয়াকি বাহাল মহল।শিক্ষাক্ষেত্রে রাজ্যপালের সক্রিয়তা রাজ্যের সঙ্গে এক নতুন সমীকরণ তৈরি হয়েছে।সম্প্রতি বিশ্ববিদ্যালয় গুলির উদ্দেশে রাজভবনের তরফে বিশেষ নির্দেশিকাও জারি করা হয়।রাজ্যপালের এই সিদ্ধান্ত নিয়ে প্রশ্ন তোলে রাজ্যের শিক্ষামন্ত্রী ব্রাত্য বসু।কিন্তু তার পরও নিজের অবস্থান পাল্টাননি রাজ্যপাল। এ বার উপাচার্যও নিয়োগ করলেন।

# · Adventure +91 87775,45494 · Trekking · Camping · Mud House

5 টাকা **24hrs=10** টাকা 50 টাকা 24hrs= 100 টাকা

500 টাকা 24hrs= 1000 টাকা

**CONTACT - 87778 77416** 



বহু প্রশংসিত তন্ত্র ও মাতুসাধক শ্রী গোবিন্দ আচার্য্য

Tantra Bagish, Samudrik Ratna, Gold Medalist (Benaras) K.B.S. (N. Delhi), M.R.A.S. (London), I.S.C.A & B.M.U. (Cal) 7/1, Jessore Road, Dum Dum, Kol-28

Ajodhya Hiees Family Resort

# অবসরে

## \*জানা-অজানা\*

- 👃 মেক্সিকানরা গড়ে ৬৬৫টি কোক প্রডাক্ট পান করে থাকে প্রতি বছর। অন্যদিকে প্রতিবছর গড়ে আমেরিকানরা ৩৯৯, ব্রিটিশরা ২০২, চাইনিজরা ৩২ এবং ভারতীয়রা ৯টি কোক পান করে থাকে। যা মিলিয়ে হয় ৬৪২।
- 👃 দুবাইয়ের মিরাকেল গার্ডেন পৃথিবীর সবচেয়ে বড় ফুলের বাগান। এখানে প্রায় পাঁচ কোটি ফুল এবং প্রায় ২৫ কোটি গাছপালা রয়েছে।
- 👃 কুংফুর নাম শুনলেই, চীনের কথা মনে পড়ে যায়। কিন্তু আপনি জানেন কি, এই কুংফুর আবিষ্কার একজন ভারতীয়ের হাত ধরেই হয়েছিল। আর সেই ভারতীয় ব্যক্তিত্বের নাম ছিল বোধিধর্মন।
- 👃 একবার একজন ব্যক্তি Colgate কোম্পানির কর্মকর্তাদের কাছে গিয়ে বলেন-আমি একটি দারুন আইডিয়া দিতে পাড়ি, যার মাধ্যমে আপনাদের বিক্রি প্রায় ৪০% বেড়ে যাবে। কিন্তু এর বদলে আমাকে ১ লক্ষ ডলার দিতে হবে। অবশেষে Colgate কোম্পানি লোকটির কথাতে রাজী হয়ে যায়। এরপর লোকটি যে আইডিয়াটি দেয় তা জানলে আপনার হাঁসি পাবে। লোকটি জানায়- আপনাদের Colgate বতলের ছিদ্রটি আরেকটু বড় করে দিন, এরফলে মানুষের বেশি বেশি Colgate ব্যয় হবে। যার ফলে আপনাদের বিক্রিও বৃদ্ধি পাবে।
- আমেরিকাতে এত বিপুল পরিমাণে ভারতীয় ইঞ্জিনিয়ার, ডাক্তার এবং বৈজ্ঞানিক রয়েছেন যে, তারা যদি ভারতে ফিরে আসেন, তাহলে আমেরিকা তার প্রায় ৫০% শক্তি হারিয়ে ফেলবে। কিন্তু তারা কক্ষনোই ভারতে ফিরে আসবে না, আর এর পিছনে কারণ একটাই, অর্থা
- 👃 পৃথিবীতে এরকম একটি গ্রাম রয়েছে, যেখানে একদম বৃষ্টি হয় না, উঁহু এটি কিন্তু মরুভূমি নয়। আসলে এই গ্রামটি এত উঁচুতে অবস্থিত যে, এই গ্রামের নীচে মেঘ থাকে। স্বভাবতই বৃষ্টি এই গ্রামটির উপডে নয়, বরং এই গ্রামটির নীচে পড়ে। এই গ্রামটি ইয়েমেনের রাজধানী সানার পশ্চিমে অবস্থিত। মূল ভূমি থেকে প্রায় ৩২০০ মিটার উঁচুতে অবস্থিত, এই গ্রামটির নাম Al Hutaib I এই গ্রামটি দেখতে নেহাতই স্বর্গের থেকে কম নয়।
- 👃 পৃথিবীর সবথেকে দামী চা-পাতার নাম হল- ডা হং পাও। এই চা-পাতার এক কিলোগ্রামের মূল্য প্রায় ৮.২৮ কোটি টাকা। এই চা-পাতা চিনে পাওয়া যায়।
- 👃 বন্দনা নেপাল নামের নেপালের এক মেয়ে টানা ১২৬ ঘণ্টা নৃত্য করে গিনিস বুক অফ ওয়ার্ল্ড রেকর্ডে নাম তুলে নিয়েছেন। বন্দনা পাঁচ দিন থেকে কোনো খাবার বা বিশ্রাম না নিয়েই লাগাতার নৃত্য করে এই রেকর্ড গড়েছিলেন। এই প্রসঙ্গে বলে রাখি, সেই সময় তার বয়স ছিল মাত্র ১৯ বছর।
- 👃 জাপানের পাসপোর্ট পৃথিবীর সবথেকে শক্তিশালী পাসপোর্ট। এর মাধ্যমে আপনি পৃথিবীর ১৯০ টি দেশে বিনা ভিসায় ঘুরতে পাড়বেন।

### <u>जन्मपित</u>

১৮৫৪ - পাউল এরলিখ, নোবেল পুরস্কার বিজয়ী জার্মান-ইহুদি চিকিৎসক ও বিজ্ঞানী।(মৃ.১৯১৫) ১৮৭৯ - আলবার্ট আইনস্টাইন, নোবেল পুরস্কার বিজয়ী মার্কিন পদার্থ বিজ্ঞানী।

১৯১৬ - ভারতের কম্পিউটারের জনক সমরেন্দ্র কুমার মিত্র।(মৃ.১৯৯৮) ১৯৩৩ - মাইকেল কেইন, ইংরেজ অভিনেতা ও লেখক। ১৯৩৪ - আলপনা বন্দ্যোপাধ্যায়, ভারতীয়

বাঙালি সঙ্গীতশিল্পী - ছড়ার গানকে জনপ্রিয় করে তোলার ক্ষেত্রে যাঁর বিশিষ্ট অবদান রয়েছে। (মৃ.২৪/০৭/২০০৯) ১৯৬৫ - আমির খান, ভারতীয় হিন্দি চলচ্চিত্রের অভিনেতা।

১৯৬৫ - রোহিত শেঠী : ভারতীয় হিন্দি চলচ্চিত্রের পরিচালক, প্রযোজক ও উপসহাপক।

১৯৮৬ - জেমি বেল, ইংরেজ অভিনেতা ও

## মৃত্যুদন

১৬৮২ - ইয়াকব ভ্যান রাইস্ডেল, সপ্তদশ শতকের প্রখ্যাত ওলন্দাজ চিত্রশিল্পী। ১৮৮৩ - কার্ল মার্ক্স, প্রভাবশালী জার্মান সমাজ বিজ্ঞানী ও মার্ক্সবাদের প্রবক্তা। ১৮৯৯ - হের্মান স্টাইন্টল, জার্মান ভাষাতাত্ত্বিক ও দার্শনিক ছিলেন। ১৯৭৫ - যতীন্দ্রপ্রসাদ ভট্রাচার্য, একজন বাঙালি কবি।(জ.২৭/০৫/১৮৯০) ১৯৭৬ - পল্লীকবি জসিমউদ্দিন, একজন বাঙালি কবি, গীতিকার, ঔপন্যাসিক ও লেখক।

১৯৮১ - কেন ব্যারিংটন, বিখ্যাত ইংরেজ ক্রিকেটার। (জ. ১৯৩০) ১৯৯৫ - উইলিয়াম আলফ্রেড ফোলার, নোবেল পুরস্কার বিজয়ী মার্কিন পদার্থবিজ্ঞানী। (জ. ১৯১১) ১৯৯৭ - বাঙালি কবি ও লেখক সামসুল হক। ২০১২ - হিমানীশ গোস্বামী বিশিষ্ট রসসাহিত্যিক, সাংবাদিক ও ব্যঙ্গচিত্রী । ২০১৮ - স্টিভেন হকিং, ইংরেজ তাত্ত্বিক

পদার্থবিজ্ঞানী ও গণিতজ্ঞ। (জ. ১৯৪২)

# ইতিহাস

১৮৬৪ - স্যার স্যামুয়েল বেকার এ্যালবার্ট আফ্রিকার হ্রদ আবিষ্কার ও নামকরণ করেন। ১৮৯১ - ইংলিশ চ্যানেলে প্রথম ডুবোতাহাজ টেলিফোন লাইন স্থাপিত হয়।

১৯২৫ - প্রথম ট্রান্স আটলান্টিক রেডিও সম্প্রচার

১৯৩১ - আলম আরা ভারতীয় উপমহাদেশের প্রথম সবাক চলচ্চিত্র আলম আরা মুক্তি পায়। ১৯৩৯ - কলকাতায় নাট্যনিকেতন রঙ্গমঞ্চের উদ্বোধন হয়।

১৯৫৫ - ভিয়েতনামে ঐতিহাসিক দিয়েন বিয়েন ফুয়ের যুদ্ধ শুরু হয়।

১৯৭৩ - বিজ্ঞানী মণিলাল ভৌমিক এক্সিমার লেজারের কথা প্রথম ঘোষণা করেন ডেনভার অপ্টিক্যাল সোসাইটিতে।

১৯৭৫ - রোম সম্রাট প্রথম কার্দিনান্দ পোপের অনুমতি ছাড়াই অভিষেক অনুষ্ঠান করেন। ১৯৭৫ - রাষ্ট্রীয় সফরে আফগানিস্তানের প্রেসিডেন্ট মোহাম্মদ দাউদ ঢাকায় আগমন করেন। ১৯৭৮ - ইসরাইল মহড়ার অজুহাতে সৈন্য বাহিনীকে জড়ো করে এবং লেবাননের উপর আগ্রাসন চালায়।

১৯৮০ - ইসলামী ইরানের সংসদ মজলিসে শুরার প্রথম নির্বাচন অনুষ্ঠিত হয়। ১৯৮৫ - তেহরানের জুমআর নামাজের সমাবেশে বিদেশীদের অনুচররা বোমা হামলা চালিয়েছিলো। ১৯৯০ - মিখাইল গর্বাচেভ সাবেক সোভিয়েত

ইউনিয়নের প্রেসিডেন্ট নির্বাচিত হন। ১৯৯২ - সোভিয়েত ইউনিয়নের 'প্রাভদা' পত্রিকার প্ৰকাশ বন্ধ হয়ে যায়।

২০০৭ - নন্দীগ্রাম গণহত্যার ঘটনায় পশ্চিমবঙ্গের পূর্ব মেদিনীপুর জেলার নন্দীগ্রামে পুলিশের গুলিচালনায় ১৪জন গ্রামবাসী নিহত হন।

#### আজকের আবহাওয়া

শুক্রবার ১৪ ই এপ্রিল আকাশ পরিষ্কার আর রৌদ্রজ্জ্বল থাকবে।

দিনের সর্বোচ্চ তাপমাত্রা ৪২ ডিগ্রি সেলসিয়াস, আর সর্বনিম্ন তাপমাত্রা ২৮ ডিগ্রি সেলসিয়াসের কাছাকাছি থাকবে।

বাতাসে আর্দ্রতার পরিমান শতকরা ৩২ শতকরা বৃষ্টির কোনো সম্ভাবনা আপাতত নেই।

#### আজকের রাশিফল

## ১৪ই এপ্রিল

- 💠 মেষ ব্যবসায় উন্নতি।
- 💠 বৃষ পারিবারিক সম্পর্কে উন্নতি।
- 💠 মিথুন প্রেমের সম্পর্কে উন্নতি।
- কর্কট পড়াশোনায় ধৈর্য্যের
- সিংহ চাকরি ক্ষেত্রে নিজ প্রতিভার প্রকাশ।
- 🧇 কন্যা নতুন প্রেমের সূচনা।
- 🌣 তুলা পড়াশোনায় বন্ধুর সহায়তা।
- বৃশ্চিক পারিবারিক কর্মে
- 🌣 ধনু কর্মে ঊর্ধ্বতন কর্মকর্তার প্রশংসা প্রাপ্তি।
- মকর প্রতিবেশীদের থেকে সম্মান প্রাপ্তি।
- কুম্ভ ব্যবসায় লাভ।
- 🧇 মীন পড়াশোনায় মনযোগের

গণনায় - তন্ত্ৰ সাধক ও জ্যোতিষাচাৰ্য্য শ্রী অয়ন চক্রবর্তী মোবাইল-৯৮৭৪১ ৭৯৩৩৯

#### সময় সারণী

আজ: ৩০ চৈত্র ১৪২৯ বঙ্গাব্দ, শুক্রবার, ইংরেজী: ১৪ এপ্রিল ২০২৩

সূর্য উদয়: সকাল ০৫:১৯ মিনিটে এবং অস্ত: বিকাল ০৫:৫৪ মিনিটে।

#### তিথি:-

কৃষ্ণ পক্ষ : নবমী (রিক্তা) রাত্রি: ১০:০৫ মিনিট পর্যন্ত।পরে দশমী।

#### জোয়ার ভাটা:-

কলকাতায় জোয়ার শুরু সকাল ০৯:৩৯ মিনিটে, জলস্তর সর্বোচ্চ সীমায় পৌঁছবে দুপুর ০২:৫৫ মিনিটে , এরপর ভাটা শুরু। দ্বিতীয়বার জোয়ার শুরু রাত ১০:২৯ মিনিটে, জলস্তর সর্বোচ্চ সীমায় পৌঁছবে ভোর ০৩:১৮ মিনিটে, এরপর ভাটা শুরু।

সর্বদা স্ত্যের খোঁক্তে.....

যাদের খবর কেউ করেনা,তাদের পান্দে

বলো কলকাতা

BKL

বলো কলকাতা

# শ্রেণাবদ্ধ বিজ্ঞাপন

### জ্যোতিষী

আপনার মুখ এবং আমার গণনা ! আপনার ভাগ্য পরিবর্তনের মূল কারন হতে পারে।



লুপ্তপ্রায় সামুদ্রিক জ্যোতিষ মতে স্থানের চিহ্ন দেখে জীবনের নানা সমস্যার (বিদ্যায় অমোনোযোগী, ব্যাবসা, চাকরী, কর্মোন্নতি, বিবাহ, স্বামী স্ত্রীর মধ্যে সম্পর্ক, গৃহ শান্তি, গোপন শত্রুতা, মামলা মকোদ্দমা প্রভৃতি) সঠিক কারন নির্ধারণ ও স্থায়ী প্রতিকারে শ্রী লক্ষ্মীনারায়ন গোস্বামী অদ্বিতীয়

Chember - 5B, Nepal Bhattacherjee Street. Kol-26 ® 9433215177 / 7439877765







### বাড়ি/ঘর/ফ্ল্যাট ভাড়া

❖ J.D park মেট্রোয় কাছে ভবানীপুর 400 Sft. (AC) অফিস ঘর ভাডা দেব। 9831632434

#### জ্যোতিষ শিক্ষা

 জব ওরিয়েন্টেড কোর্স। অন লাইন / হাতে কলমে, জ্যোতিষ, তন্ত্র, শিখে স্বনির্ভর হোন। কলকাতা, মেচেদা। 6294611974

#### স্বাস্থ্য ও চিকিৎসা

- যোগা, ফিজিওখ্যারাপী (ম্যানুয়াল ও মেশিনে) কলকাতার মধ্যেবাডি গিয়ে করি। ডাক্তার বাবুর পরামর্শ ও নির্দেশ অনুসারে।
- অ্যাডভান্সড ইমিউনোথেরাপি জরায়ুতে টিউমার, পলিসিষ্টিক ওভারী, গলব্লাডারে স্টোন, যে কোন ধরনের ক্যান্সার কিডনির জটিল অসুখ বিনা অপারেশনে সম্পূর্ণ সরানো হয়। টেলিমেডিসিন No-8617553735

#### REBEL FITNESS

- "a complete fitness solution for you and your family"
- Fitness counseling
- Training at our centre.
- Training at your personal place
- Group classes
- Body transformation
  - Contact @ 7980684996

#### গ্রহরত্ন



#### কর্মখালী

 দমদম হোস্টেলে রাঁধুনি ও বয় চাই।থাকা+খাওয়া ফ্রি। 7003746350

#### ব্যাবসা বাণিজ্য

 গ্রহরত্ব পাইকারী দামে সকল প্রকার গ্রহরত্ন পাওয়া যায়। এস. এস. জেমস 1/1. ব্যা**নার্জী লেন**। বৌবাজার ব্যাঙ্ক অফ ইন্ডিয়ার নিকট। কোল - 12. 7980455525

#### অভিনেতা ও অভিনেত্রী

নতুন গানের ভি ডি ওর জন্য নাচ জানা নায়ক নায়িকা ভূমিকার অভিনয় এবং ব্যাকাব ডান্সার এর প্রয়োজন যোগাযোগ 7980203839

#### শিক্ষা

 শ্যামবাজার মেট্রোর কাছে পড়াবার উপযুক্ত ঘর আছে। টিচার স্বাগত। 98312 47419

সকল রকম বিজ্ঞাপন এবং ক্রোড় পত্রিকায় গল্প, কবিতা, রান্নার রেসিপি, ভ্রমণ কাহিনী আঁকা , নিজের ফোনে তোলা ছবি ও আপনাদের মতামত পাঠান। মোঃ -৮৯১০৫৩৯২৯৭

বলো কলকাতায় সাংবাদিক, লেখক সম্পাদকীয় বিভাগের কাজ শেখা বা করার লোক জন্য প্রয়োজন। আগ্রহীরা সত্বর যোগাযোগ করুন - ৮২৪০১৬৮৩৭০

সতর্কীকরণ:- বিজ্ঞাপনের যাবতীয় বক্তব্য একমাত্র বিজ্ঞাপন প্রদানকারীর নিজের, দায়িত্বও তাঁর। বলো কলকাতা-এর<sub>"</sub> এর এতে কোনও ভূমকা নেই। পাঠকের সিদ্ধান্ত সম্পূর্ণভাবে নিজস্ব।, তাই প্রতারিত বা ঝুঁকির ব্যাপারে সব জেনে নিয়েই পদক্ষেপ নেবেন।

## **DEBJIT SIR** COACHING CLASSES

Mo: 98300 37937 English (Honours, M.A.)

CU - IGNOU - RBU - Netaji

Entrance Exam. Preparation: WBCS, RAIL , BANK , CDS , IELTS , PTE, CAT, GMAT

RASHBEHARI (Badamtala) JADAVPUR (Bijoygarh)



■ বিশেষ বিজ্ঞপ্তি ■

BKL NETWORK বা বলো কলকাতা পরিবার-এর

মিডিয়া ইউনিট বলো কলকাতা টিভি ও বলো

ইপেপার-এর জন্য, পশ্চিমবঙ্গের প্রত্যেকটি

জেলায় সাংবাদিক নেওয়া হচ্ছে। আগ্রহী

ব্যক্তিরা তাডাতাডি যোগাযোগ করুন জায়গা

বি:দ্র: যেহেতু বলো কলকাতা পরিবার

স্বেচ্ছাসেবী পরিবার তাই এখানে কোনরকম

আর্থিক লেনদেন নেই অর্থাৎ যদি কেউ

ভালোবেসে বিনা পারিশ্রমিকে যুক্ত হতে

চান? তাহলে বলো কলকাতা পরিবারের

বিগত ৫ বছরের এক বৃহৎ সংগঠনে

যোগাযোগ: 8240168370

সীমিত।

আপনাকে স্বাগত।

### সংবাদে,উৎসবে, ત્રચલ બા(ત્ર.... F BOLO KOLKATA TV BOLO KOLKATA Managhant BOLO KOLKATA 🌌 BOLO KOLKATA ৰলো কলকাতা পত্ৰিকা Dwonload BOLO KOLKATA app for latest news update For queries, contact 8240168370 **BKL** NETWORK **BOLO KOLKATA**



**CLASSIFIED** PRESS

আমাদের জেলা ভিত্তিক অনুমোদিত বিজ্ঞাপন গ্রহণ কেন্দ্র দেওয়া হচ্ছে। সাথে থাকছে বিশেষ কিছু সুবিধা ও লোভনীয়

কমিশন। ইচ্ছুক ব্যক্তিরা তাড়াতাড়ি যোগাযোগ করুন। যোগাযোগ








১) আপনি মোবাইলে ছবি তুলতে পারেন? ২) আপনি দু-চার কলম লিখতে পারেন?

৩) যেকোনোঁ ছবি সামান্য এডিট করতে পারেন? ৪) বাংলায় ভালো লিখতে পারেন অথচ লেখার প্ল্যাটফর্ম পাচ্ছেন না ৫) সাংবাদিকতা করতে চান?

যদি উপরে দেওয়া ৫ টি প্রশ্নের মধ্যে একটির উত্তরও 'হ্যা' হয়, তবে আপনিও হতে পারেন **DIGITAL PRESS MEDIA -**র একজন! এখুনি যোগাযোগ করুন আমাদের সাথে:- 824016837।



প্রথম পাতার পর-

বিচারপতি অভিজিৎ গঙ্গোপাধ্যায় উল্লেখ করেন. সিবিআই-ইডি এখন সবে কোমর পর্যন্ত পৌঁছতে পেরেছে। আশা করি শীঘ্রই তারা মাথা খুঁজে পাবে। যদি না-পারে তাহলে আদালত বাধ্য হবে কঠোর নির্দেশ দিতে। বিচারপতি গঙ্গোপাধ্যায়ের মন্তব্য, সিবিআই-ইডি এখনও পর্যন্ত দুর্নীতির কোমরের উপরে উঠতে পারেনি । তিনি বলেন, দালালরা তো কমিশন খেয়েছে। আসল টাকাটা গেল কোথায় ? কুন্তল ঘোষের চিঠির সমস্ত কিছু খতিয়ে দেখার পর এটা সম্পূর্ণ বানানো বলেই মনে হয়েছে বিচারপতির । 'অত্যন্ত কাঁচা হাতে বানানো গল্প' বলে এদিন আদালতের নির্দেশে উল্লেখ বিচারপতি গঙ্গোপাধ্যায়ের।সিবিআই-ইডির কোনও অফিসারের বিরুদ্ধে একইরকম অভিযোগ হয়েছে কি না জানতে চান এদিন বিচারপতি । তিনি বলেন, যেখানে তাদের নামে এফআইআর দায়ের হয়েছে । জিজ্ঞাসাবাদ করা হচ্ছে ? সিবিআই আইনজীবী বিল্বদল ভট্টাচার্য জানান, কপিল রাজ (জয়েন্ট ডিরেক্টর) উমেশ কুমার (এসপি ), সুশান্ত ভট্টাচার্যদের বিরুদ্ধে লালন শেখ মৃত্যু মামলায় এফআইয়ার দায়ের করেছিল পুলিশ । কুন্তল ঘোষের চিঠি আসলে তদন্তকারী অফিসারদেরকে ভয় দেখানোর চেষ্টা বলে উল্লেখ করেন কলকাতা হাইকোর্টের বিচারপতি।



## ডিসিজিআই নির্দেশে ১৮ ফার্মা কোম্পানির লাইসেন্স বাতিল

নিউজ ডেস্ক

জাল ওষুধ তৈরির অভিযোগে ১৮ টি ফার্মা কোম্পানির লাইসেন্স বাতিল করল কেন্দ্রীয় নিয়ামক স্বাস্থ্যমন্ত্রকের ডিসিজিআই।সম্প্রতি ২০টি রাজ্যের ৭৬টি ওষুধ প্রস্তুতকারী সংস্থার দপ্তরে আচমকা পরিদর্শন ডিসিজিআইয়ের চালায় আধিকারিকরা। লাইসেন্স বাতিল হওয়া কোম্পানিগুলি ছাড়াও হিমাচল প্রদেশের ৭০টি কোম্পানি, উত্তরাখণ্ডের ৪৫টি কোম্পানি ২৩টি এবং মধ্যপ্রদেশের কোম্পানির উপর নজর রয়েছে ডিসিজিআই এর। সত্রের খবর, যে সকল কোম্পানিগুলির বিরুদ্ধে জাল ওষুধ তৈরির অভিযোগ উঠছে, সেগুলির বেশিরভাগই হিমাচল প্রদেশ এবং উত্তরাখণ্ডে অবস্থিত। প্রসঙ্গত উল্লেখ্য গত বছর নয়ডায় অবস্থিত ভারতীয় সংস্থার তৈরি কাশির ওষুধ খেয়ে উজবেকিস্তানে ১৮টি শিশুর মৃত্যু হয়েছিল।



## ভারত ও গ্রিসের যৌথ যুদ্ধ মহড়া, চিন্তা বাড়ছে তুরস্কের নিউজ ডেস্ক

রত এবং গ্রিসের মধ্যে একটি কৌশলগত চুক্তি হচ্ছে, চুক্তি অনুযায়ী আগামী কয়েকদিনের মধ্যে ভারত ও গ্রিসের যৌথ যুদ্ধ মহড়া অনুষ্ঠিত হবে। গ্রিস জানিয়েছে, বন্ধ রাষ্ট্রগুলির সঙ্গে সামরিক সহযোগিতা জোরদার করাই লক্ষ্য তাদের। এই চুক্তির মাধ্যমে গ্রিস পূর্ব ভূমধ্যসাগর ও পারস্য উপসাগরে তাদের প্রভাবের একটি আভাস দিতে চলেছে বলে মনে করছে আন্তর্জাতিক মহল। মহড়াটি ১৮ থেকে ২৮ শে এপ্রিল পর্যন্ত, সু-৩০ যুদ্ধবিমান নিয়ে করা হবে। যৌথ মহড়াটির নাম দেওয়া হয়েছে 'ইনোকোস ২৩'। এই মহড়ার ফলে পাকিস্তানের বন্ধদেশ এবং গ্রিসের প্রতিবেশী তুরস্কের চিন্তা বাডবে বলে মনে করছেন প্রতিরক্ষা

বিশেষজ্ঞরা।



# র্যাগিংয়ের অভিযোগে বিদ্ধ যাদবপুর বিশ্ববিদ্যালয়

নিউজ ডেস্ক

র্যাগিংয়ের অভিযোগ উঠল যাদবপুর বিশ্ববিদ্যালয়ে। গত বছরের শেষ দিকে বিশ্ববিদ্যালয়ের একটি প্রেক্ষাগৃহে মেকানিক্যাল ইঞ্জিনিয়ারিংয়ের ফ্রেশার্স ওয়েলকামের আয়োজন করা হয়। অভিযোগ, ঐ ফ্রেশার্সে নবাগত ছাত্রছাত্রীদের মঞ্চে তুলে চূড়ান্ত যৌন উদ্দীপক নানা কাজে বাধ্য করেন সিনিয়র একদল পড়য়া। এ ব্যাপারে ইউজিসি-র কাছে অভিযোগ দায়ের হয়েছে। ইউজিসির অভিযোগ পেয়ে ই নড়েচড়ে বসেছে বিশ্ববিদ্যালয় কর্তৃপক্ষ। সূত্রের খবর এই ঘটনায় জড়িতদের খুঁজে বের করতে প্রাথমিক ভাবে একটি বৈঠকও হয়েছে।



প্রবল দাবদাহ থেকে বাঁচতে আগামী ২ মে থেকেই গরমের ছুটি পড়বে স্কুলগুলিতে গরমের ছুটিতে পড়য়াদের জন্য নতুন উদ্যোগ নিলো রাজ্য সরঁকার। বিদেশের ধাঁচে রাজ্যের স্কুল গুলোতে শুরু হচ্ছে সামার ক্যাম্প। পঞ্চম থেকে দ্বাদশ শ্রেণি পর্যন্ত পড়য়াদের আত্মবিশ্বাস ও কর্মদক্ষতা বৃদ্ধি করতেই এই উদ্যোগ।যদিও এ ব্যাপারে শিক্ষা দফতরের তরফে সরকারি ভাবে এই বিষয়টি নিয়ে এখনও কিছু ঘোষণা করা হয়নি।



ফের দেশজুড়ে করোনা-আতঙ্ক্ষ। স্বাস্থ্য মন্ত্রকের রিপোর্ট অনুসারে, সক্রিয় রোগীর সংখ্যা ৪৪ হাজার ৯৯৮ জন। গত ২৪ ঘণ্টায় করোনায় আক্রান্ত হয়েছেন ১০ হাজার ১৫৮ জন। দৈনিক পজিটিভিটি রেট প্রায় ৪.৪২ শতাংশ। সাপ্তাহিক পজিটিভিটি রেট ৪.০২ শতাংশ।



ঝাঁসিতে, এসটিএফের 'এনকাউন্টার'- এ নিহত উত্তরপ্রদেশের গ্যাংস্টার আতিক আহমেদের পুত্র আসাদ এবং তাঁর সঙ্গী গুলাম। প্রয়াগরাজে উমেশ পাল হত্যাকাণ্ডে অভিযুক্ত



আউসগ্রাম- ১ ব্লকের বিল্লগ্রাম পঞ্চায়েতের ভোতা গ্রামে ইফতার পার্টির আয়োজন করা তৃণমূল কংগ্রেসের পক্ষ থেকে। ইফতার পার্টি মজলিসে উপস্থিত ছিলেন, বিধায়ক শ্রী অভেদানন্দ থান্ডার, জেলা যুব তৃণমূল সভাপতি রাসবিহারী হালদার, ব্লক সভাপতি অরূপ ঘোষ, শালেক রহমান এছাডা ছিলেন বিল্লগ্রাম অঞ্চলের তৃণমূল কংগ্রেসের নেতা নেত্রীরা প্রায় ১১০০ মানুষজনের আয়োজন করা হয়।

ছিলেন আসাদ এবং গুলাম।



## স্বামী প্রভানন্দজি মহারাজের মহা সমাধি উপলক্ষে ভান্ডারা, অগণিত পূর্ণার্থীর তল বেলুড় মঠে

প্রয়াত স্বামী প্রভানন্দর্জি মহারাজের মহা সমাধি উপলক্ষে বেলুড় মঠে শ্রীশ্রীঠাকুরের বিশেষ পূজা, মঙ্গলারতি, বৈদিক মন্ত্রপাঠ, শ্রীশ্রীরামকৃষ্ণ কথামৃতপাঠ ও ব্যাখ্যা সহ স্বামী প্রভানন্দজীর স্মরণ সভার আয়োজন করা হয়। সন্ধ্যায় শ্রীশ্রীঠাকুরের মন্দিরে সন্ধ্যারতির আয়োজন করা হয়েছে। এদিন ভান্ডারা উপলক্ষে বহু দূর-দূরান্ত থেকে স্বামী প্রভানন্দজির ভক্তরা সহ বেলুড় মঠে অগণিত পুণ্যার্থীর সমাগম হয়। আজ গভীর শ্রদ্ধার স্বামী প্রভাবন্দজির সঙ্গে ভান্ডারা অনুষ্ঠিত হচ্ছে।




## ব্লক ও পঞ্চায়েত সমিতির উদ্যোগে ইফতার মজলিস নিজস্ব সংবাদদাতা

পূর্ব বর্ধমান:- পূর্ব বর্ধমান জেলার মেমারি- ১ ব্লক ও পঞ্চায়েত সমিতির যৌথ উদ্যোগে ইফতার মজলিস -এর আয়োজন করা হয়। প্রায় তিন শতাধিক রোজদার মানুষ এই ইফতার মজলিসে অংশগ্রহণ করেন। উপস্থিত ছিলেন মেমারি বিধানসভার বিধায়ক মধুসূদন ভট্টাচার্য্য, মেমারি ১ ব্লক সমষ্টি উন্নয়ন আধিকারিক ডাঃ আলী মোহাম্মদ ওয়ালী উল্লাহ, পঞ্চায়েত সমিতির সভাপতি বসন্ত রুইদাস, সহ-সভাপতি সেখ মোয়াজ্জেম, মেমারি ১ ব্লক তৃণমূল কংগ্রেস কমিটির সভাপতি নিত্যানন্দ ব্যানার্জী সহ বিশিষ্ট ব্যক্তিবর্গ। এদিন এই ইফতার মজলিস থেকে সম্প্রীতির বার্তা দেওয়া হয় এবং

মানব কল্যাণে প্রার্থনা করা হয়।



সাংবাদিক বৈঠক করে কলকাতা হাইকোর্টের বিচারপতি অভিজিৎ গঙ্গোপাধ্যায়কে বিচারকের চেয়ার ছেড়ে সরাসরি রাজনীতিতে আসার আহ্বান জানালেন তৃণমূল মুখপাত্র কুণাল ঘোষ। বৃহস্পতিবার কুন্তল ঘোষের ইডি ও সিবিআই এর বিরুদ্ধে কলকাতা পুলিশের কাছে পাঠানো চিঠি সংক্রান্ত মামলায় প্রয়োজনে অভিষেক বন্দ্যোপাধ্যায়কে ইডি ও সিবিআই প্রশ্ন করতে পারবে বলে নির্দেশ দেন কলকাতা হাইকোর্টের বিচারপতি অভিজিৎ গঙ্গোপাধ্যায়।



# ঝগড়ার পরিণতি, কুপিয়ে খুন শিশু, উত্তাল নিউটাউন

নিউটাউনের শুলংগুডি ঘোষপাডায়, ঝগড়ার সময় রাগ সামলাতে না পেরে শিশুকেই কুপিয়ে খুনের অভিযোগ উঠল প্রতিবেশী যুবকের বিরুদ্ধে। ঝগড়ার মাঝে মাথা গরম করে লক্ষ্মণ নামে ওই যুবক বছর সাতের শিশুকে চপার দিয়ে কোপাতে থাকে, ঘটনাস্থলেই মৃত্যু হয় শিশুটি। ছেলেকে বাঁচাতে গিয়ে গুরুতর জখম মা ও আরেক মহিলা। আহতদের শারীরিক অবস্থা আশঙ্কাজনক হওয়ায় স্থানীয় হাসপাতালে চিকিৎসাধীন।ঘটনার পর থেকে ঘাতক লক্ষণ পলাতক। ঘটনার তদন্তে নেমেছে ইকো পার্ক থানার পুলিশ।





# সম্পাদকীয়

#### প্রিয় পাঠক,

আজ ১৪ই এপ্রিল, আজকের স্বাধীন ভারত যে স্তম্ভের উপর দাঁড়িয়ে পৃথিবীর বৃহত্তম গণতান্ত্রিক দেশ হিসাবে সারা বিশ্বের কাছে একটি উদাহরণ হয়ে আছে সেই স্তম্ভ বা সংবিধান রচয়িতা স্যার বি.আর আম্বেদকরের আজ জন্মদিন। ১৯৫০ সালের ২৬শে জানুয়ারী তার প্রতিষ্ঠা হয় ভারতের পার্লামেন্টে। দিনটি সারা দেশে প্রজাতন্ত্র দিবস হিসাবে পালিত হয়। সংবিধান হলো সেই বই , যার নির্দেশিত পথে দেশ থেকে সংগঠন সব কিছু চলে। ভারতের সংবিধান সারা বিশ্বের কাছে একটি বিষয়। কারণ এত বড় দেশ, এত ভাষা, এত জাতি, ধর্ম, বর্ণের মিলনক্ষেত্র এই ভারতবর্ষ। সেই দেশকে একটি মালায় গাঁথার কাজটা করে গেছেন আম্বেদকর সাহেব। এই সংবিধানের মুখবন্ধ বা প্রস্তাবনায় লিখিত অংশ পড়লেই বোঝা যায় এর গভীরতা কতটা। প্রথমেই লেখা-\*আমরা, ভারতের জনগণ, ভারতকে একটি সমাজতান্ত্ৰিক সার্বভৌম ধর্মনিরপেক্ষ গণতান্ত্রিক সাধারণতন্ত্র রূপে গড়িয়া তুলিতে, এবং উহার সকল নাগরিক যাহাতে : সামাজিক, আর্থনীতিক এবং রাজনীতিক ন্যায়বিচার, চিন্তার, অভিব্যক্তির, বিশ্বাসের, ধর্মের ও উপাসনার স্বাধীনতা, প্রতিষ্ঠা ও স্যোগের সমতা নিশ্চিত ভাবে লাভ করেন এবং তাঁহাদের সকলের মধ্যে ব্যক্তি-মর্যাদা ও জাতীয় ঐক্য ও সংহতির আশ্বাসক ভ্রাতৃভাব বর্ধিত হয় তজ্জন্য সত্যনিষ্ঠার সহিত সংকল্প করিয়া আমাদের সংবিধান সভায় অদ্য, নভেম্বর মাসের ষড়বিংশতিতম দিবসে, ১৯৪৯ সাধারণাব্দে, এতদ্বারা এই সংবিধান গ্রহণ করিতেছি, বিধিবদ্ধ করিতেছি এবং আমাদিগকে অর্পণ করিতেছি।

লেখার মধ্যে দিয়ে তিনি সকল ভারতবাসীকে একসূত্রে বেঁধেছিলেন। পরে অবশ্য দেশের প্রয়োজনে অনেকবার এর সংশোধন হয়েছে। হয়তো আগামী দিনে আরো হবে। তবে মেন কাঠামোর কোনো পরিবর্তন হওয়া সম্ভব নয়। আজ সেই প্রবাদ প্রতিম মানুষর্টির জন্মদিনে আমাদের প্রণাম। আর বাংলার দিকে তাকালে আজ আর একটি বাংলা বছরের শেষ দিন। আগামীকাল থেকে নতুন একটা বছর। ১৪৩০ সাল। আজ চৈত্রের শেষে গাজন, চরক উৎসব। সারামাস সন্ন্যাস ব্রত পালন করার পর বাবা মহাদেবের নাম করে বিপদজনক ঝাঁপ দেবে সন্ন্যাসীরা। এ এক দারুন উপভোগ্য উৎসব। গ্রাম অঞ্চলেও মহাদেবের প্রসিদ্ধ মন্দির গুলোয় আজ বডো আনন্দ উৎসব ও পূজা অর্চনায় মুখরিত হয়ে উঠবে মন্দির প্রাঙ্গণ, বসবে মেলা।

আজ এই পর্যন্ত, নতুন বছরে আবার দেখা হবে। সবাইকে নতুন বছরের আগাম শুভেচ্ছা, ভালো কাটুক নতুন বছর এই প্রার্থনা করে শেষ করছি, আর শেষে বলি কাল নতুন বছরের প্রথম দিনে বলো কলকাতার ই পেপারে আসছে নতুন চমক। লক্ষ রাখুন কালকের পেপারের দিকে। নমস্কার।

সৌমিক সান্যাল সম্পাদক-বলো কলকাতা



# রবিবারেই কেন ছুটির দিন মানা হয়?

1890 সালের 10 জুন রবিবারকে ছুটির দিন

হিসাবে ঘোষণা করা হয়েছিল। ইংরেজদের রাজত্বকালে মিলের কর্মচারীদের সপ্তাহে সাত দিনই কাজ করতে হত। মজুরদের নেতা নারায়ন মেঘার্জী লোখান্ড মজুরদের সপ্তাহে একদিনের ছুটির দাবি করলে ইংরেজ আইনসভা এটি মানতে অস্বীকার করে দেয়। সাত বছর আন্দোলন চলার পর অবশেষে ইংরেজ আইনসভা সপ্তাহে একদিনের ছুটির বিষয়টি পাশ করে এবং তার সাথে সাথে প্রতিদিন দুপুরের খাওয়ার জন্য আধাঘণ্টা সময় বরাদ্দ করে। রবিবার সপ্তাহের প্রথম দিন এবং এই দিনটি হল খ্রিস্টান ধর্মাবলম্বীদের গির্জায় গিয়ে প্রার্থনা করার দিন। তাই ইংল্যান্ডের আইন পরিষদ রবিবারকেই ছুটি হিসেবে ঘোষণা করে।



# একদিনেই ঘুরে আসুন তারাপীঠ ,

# বিশেষ ভ্রমণকাহিনী

সৌভিক সাহা , কলকাতা :- ১৩ শতাব্দীর হিন্দু মন্দির তারাপীঠ পশ্চিমবঙ্গ রাজ্যের বীরভূম জেলার মহকুমা রামপুরহাটে অবস্থিত।। তারাপীঠ মন্দির তন্ত্র সাধনার এক সিদ্ধ পিঠ আর এখানকার মহা শ্মশান ভারত প্রসিদ্ধ। দেবী তারার এই মন্দিরে ভক্তদের ঢল প্রতিদিন ভোর বেলা থেকেই চোখে পরে।

তারাপীঠ সাধক ব্যমাখেপার জন্যও প্রসিদ্ধ ,"পাগল সাধু" ও বলা হতো সাধক ব্যমাখেপা কে।সাধক ব্যমাখেপা তারা মায়ের মন্দিরে উপাসনা করতেন এবং শ্বশান ঘাটে একজন চিকিৎসক হিসাবে বসবাস করতেন । তিনি বিখ্যাত সাধক, কৈলাশপতির অধীনে যোগ এবং তান্ত্রিক কলা অনুশীলন করেছিলেন ও সাধক রূপে প্রসিদ্ধ হন। বাবা ব্যমাখেপা তার সারা জীবন তারা মায়ের পূজায় উৎসর্গ করেছিলেন। তার আশ্রমও দ্বারকা নদীর তীরে এবং তারা মন্দিরের একদম কাছে অবস্থিত।

তারাপীঠ, কালীঘাট এবং নবদ্বীপ বাঙ্গালী হিন্দুদের জন্য খুব গুরুত্বপূর্ণ তীর্থ স্থান হিসাবে বিবেচিত হয়।

হটাৎ ঠিক হলো তারাপীঠ যাবো, মায়ের দর্শন করে একদিনেই ফিরে আসবো এমনটা ভেবেই শনিবার একটু তাড়াতাড়ি কাজ কন্মো মিটিয়ে পৌঁছে গেলাম হাওড়া স্টেশন। ৩ বন্ধু একসাথে যাওয়ার প্ল্যান অনেকদিন করেও যেতে পারছিলাম না কারণ ট্রেন এ রিজেরভেশন পাচ্ছিলাম না। এবারে ৭ দিন আগে যাওয়ার ট্রেনের টিকেট কেটে ফেলেছিলাম হাওড়া রামপুরহাট স্পেশাল ট্রেনের।

ট্রেন ছাড়লো ঠিক ঘড়ির কাটায় তখন বিকেল ৪.৩৫ মিনিট। তিন বন্ধু তারা মায়ের নাম করে বসে পড়লাম যে যার নিজের সিটে। গরমটা খানিক লাগছিলো তখন তাই ২ - ৩ তে ঠান্ডা জলের বোতল নিয়ে নিলাম। বিকেল গড়াতেই রোদের তেজ কমলো আর বেশ সুন্দর মিষ্টি একটা হাওয়া খেতে খেতে খান খেত , পুকুর , বিল , নদী দুপাশে ফেলে ছুটে চললো ট্রেন। কু- ঝিক- ঝিক আওয়াজ করতে করতে ছুটে চললো ট্রেন আর আমরা মাঝে একবার দুবার উঠে ট্রেন এর খোলা দরজার সামনে দাঁড়িয়ে প্রাণ জোড়ানো চৈত্রের সন্ধ্যাকালীন হাওয়া উপভোগ করলাম। সেই দুপুরের খাওয়া কখন যে হজম হয়ে গেছে এর মধ্যে , হালকা হালকা খিদে খিদে পেতেই বন্ধুর বৌয়ের বানিয়ে দেওয়া পরোটা ও আলুর দমের কথা মনে পরে গেলো। যেমন কথা তেমন কাজ ঝাঁপিয়ে পড়লাম সবাই খাবারের ওপর। ট্রেন তখন বোলপুর ঢুকে গেছে আর মাত্র ঘন্টা খানেক। রাতের খাওয়াটাও এবার আর চিন্তা নেই বেশি রাতেও করলে অসুবিধে নেই সন্ধ্যা কালীন টিফিন ও রাতের ডিনার অনেকটাই তো হয়ে গেছে ততক্ষুনে। বাঙালির আবার খাবার পর একটু মিষ্টি লাগে তাই মিষ্টি না থাকায় অজ্ঞতা ট্রেনের হকারের থেকে কিনে নেওয়া হলো গরম গরম দিলখুশ বেশ তুন্তি করে খেয়ে এবার অপেক্ষা রামপুরহাট পৌঁছনোর

রাত ৯.৪০ মিনিটে ট্রেন এসে দাঁড়ালো রামপুরহাটে। নেমে সোজা হেটে চলে গেলাম অটো স্ট্যান্ডে। এক একটা অটোতে ১০ - ১২ জন প্যাসেঞ্জের না হলে কোনো মতেই ছাড়বে না অটো। দিনের বেলায় জন প্রতি ৩০ টাকা লাগলেও রাতে জন প্রতি ৫০ টাকার এক পয়সা কম নেবে না কোনো অটোয়ালা তাই চেপে পড়লাম রাত ১০.১৫ নাগাদ। রাস্তা বেশ ভালো , রামপুরহাট শহর ছাড়তেই অটো চললো দু ধারে খোলা জমি আর মসৃন রাস্তা ধরে। নারায়ণপুর , বলিয়া , রামরামপুর , জয়কৃষ্ণপুর এসব গ্রাম পেরিয়ে মিনিট ২৫ পর পৌঁছে গেলাম তারাপীঠ বাস স্ট্যান্ডের কাছে।

অটো থেকে নামতেই হোটেলের এজেন্টদের ডাকাডাকি শুরু। যদিও আমাদের হোটেল ওখানে আগে থেকেই বুক করা ছিল যেখানে আমার ভাই ও তার বন্ধু বিকেলেই এসে পৌঁছে গেছে তাই আর হোটেল খোঁজার ঝিক্কি টা নিতে হয়নি। হোটেল এখানে ৩০০ থেকে শুরু হয়ে যায়। সরাসরি হোটেলে পৌঁছে গিয়ে রাত ১১ টার পর হালকা চান করে নিলাম। এবার গন্তব্য ছিল মন্দির ও শশান দর্শন কিন্তু পৌঁছে শুনলাম রাত ১০ টার পর এখন সব বন্ধ। কিছুদিন আগেই কিছু দুর্ঘটনা ঘটায় রাত ১০ টার পর শশান চত্বরে না যাওয়াই ভালো। তাই এবার মন্দিরের উল্টো দিকের রাস্তায় যে রাস্তা টা মুণ্ডমালিনী তলার দিকে যাচেছ ওখানে রাস্তার দুপাশে সারি সারি খাবারের দোকানে পৌঁছলাম মাংস নিয়ে, আবদার রান্না করে দিতে হবে। ৫ জনের জন্য ১ কিলো চিকেন পড়লো ২৪০ টাকা আর রান্নার রেট ফিক্সড ১৩০ টাকা প্রতি কিলো, সঙ্গে রুটি ৫ টাকা করে পিস্। ৩০ মিনিটের মধ্যে রান্না প্রস্তুত হয়ে গেলো আমরাও এরমধ্যে একবার মন্দিরের মূল গেটের সামনে থেকে ঘুরে চলে এলাম। এক ভিখারি মায়ের সাথে কিছু গল্প করে ফিরে এসে খাবার বগলদাবা করে জয় তারা বলে সোজা হোটেলে।

রবিবার সকালে মন্দির খুলতেই দর্শনের জন্য একবার চলে গেলাম ৬ টা নাগাদ। তারাপীঠের মন্দিরে পুজো দেওয়ার জন্য উপোস করার প্রয়জন তেমন নেই তাই সকালে মায়ের দর্শন করে চলে গেলাম মুগুমালিনিতোলাতে ওখানে এক বাউলের গান শুনে মায়ের দর্শন করে প্রায় ১০.৩০ নাগাদ ফুলের মালা, ডালা, পেরা প্রসাদ নিয়ে চলে গেলাম মন্দির চত্বরে। মন্দির কমিটি এখন টাকা নিয়ে ভি আই পি দর্শনের ব্যবস্থাও করেছে। আপনারা ভিড় এড়িয়ে একটু কম সময়ে পুজো দিতে চাইলে ৩০০, ৫০০ বা ১০০০ টাকার লাইনে দাঁড়াতে পারেন। গর্বগৃহের ভিতরে আপনার দর্শন ও পুজোর জন্য আপনার সাধ্য মতো টাকা দিতে পারেন আপনার পাশুকে।

আমরা পুজো ও মায়ের দর্শন সেরে টুক টাক একটু কেনাকাটার পর সোজা চলে গেলাম দুপুরের খাবারের হোটেলে। মন্দির অঞ্চলে প্রচুর হোটেল রয়েছে যেখানে ৭০ - ৮০ টাকায় পেট ভরে আনলিমিটেড নিরামিষ খালি খেতে পারেন। খাওয়া সেরে আমরা সোজা চলে এলাম হোটেলে সেখানে ১২ টার চেক আউট টাইম পেরিয়ে তখন প্রায় ১.২২ হয়ে গেছে তাই হোটেলে ২০০ টাকা এক্সট্রা দিয়ে আমরা একটা অটো ভাড়া করলাম ২৫০ টাকায়। সোজা পৌঁছে গেলাম রামপুরহাট স্টেশন , ওখানে কিওস্ক থেকে জেনারেল টিকেট কেটে নিলাম মা তারা এক্সপ্রেসের। যেহেতু আমাদের ফেরার টিকেট ছিল না তাই কিঞ্চিৎ সমস্যার মধ্যে পড়লেও আমরা উঠে পড়লাম ট্রেনে। নিজেদের সিট্ না থাকলেও গল্প আড্ডা মারতে মারতে আমরা যখন পৌঁছলাম নৈহাটী স্টেশন তখন আমাদের কোম্প্র্যাটমেন্ট টা প্রায় খালি হয়ে গেলো। পা ছড়িয়ে ৪ ঘন্টার পর ট্রেন এ বসে বেশ আনন্দে জয় জয় তারা বলতে বলতে ফিরে এলাম শিয়ালদহ স্টেশনে।

ঝটিকা এরম সফর বেশ ভালোই লাগে যখন সার্থক হয়ে মায়ের দর্শন ও পূজা



পিঁপড়ে এক লাইনেই কীভাবে যায়? আসলে পিঁপড়ের শরীরে কিছু গ্রন্থি থাকে এই গ্রন্থি থেকে অনবরত ফেরোমাস নামক রাসায়নিক পদার্থ বের হয়। আর এর ফলেই তারা একে অপরের সাথে যোগাযোগ রক্ষা করে। পিঁপডের দুটি স্পর্শক বা এন্টিনা থাকে যেগুলি তার ঘ্রান গ্রহণের কাজে লাগে। যখন রানী পিঁপড়ে খাদ্যের সন্ধানে বের হয় তখন সে ফেরোমাস নামক রাসায়নিক পদার্থ ছডিয়ে দিয়ে যায়। আর বাকি পিঁপডেরা তাদের এন্টিনার সাহায্যে ঘ্রান গ্রহণ করে রাণী পিঁপড়ের পিছন পিছন চলে যায়। যখন রাণী পিঁপড়ে এই বিশেষ রাসায়নিক পদার্থ উৎপাদন বন্ধ করে দেয় তখন বাকিপিঁপডেরা অন্য একজন রাণী পিঁপডেকে বেঁছে নেয়। এই ফেরোমাস আরও বিভিন্ন কাজে ব্যবহার করা হয় যেমন- কোনো পিঁপড়ে আহত হলে সে এক বিশেষ প্রকার ফেরোমাস পদার্থ উরন করে যার ফলে বাকি পিঁপড়েরা শত্রুর আক্রমণের জন্য প্রস্তুত হয়। ফেরোমাসের দ্বারাকোন পিঁপড়ে কোন দলের সেই পরিচয়টিও শনাক্ত করা হয়।



বয়স নেহাত কম হলেও, এই ইন্ডাস্ট্রির কাছে তিনি রানী রাসমণি। সেই ছোট্টবেলা থেকে তাঁর অভিনয় মুগ্ধ করেছে দর্শকদের। শুধু যে অভিনয়, তাও কিন্তু নয়! বরং বলাই উচিত, দিতিপ্রিয়া রায় মানুষটিও কিন্তু সকলের খুব প্রিয়। একদিকে যেমন অভিনয় দক্ষতা, তেমনই মানুষের উপকার, এবং মহানুভবতা তাঁকে অন্য পরিচয় দিয়েছে। ব্যস্ততার শেষ নেই, ডাবিং নতুন প্রজেক্টের প্রিপারেশন, কিন্তু নববর্ষের দিন সেই দিতিপ্রয়াই আর পাঁচজনের মত পাড়ার মেয়ে।



অনেক অভিনেতার কেরিয়ার গড়েছেন তিনি। তাঁর হাত ধরেই সফর শুরু হয়েছে সুশান্ত সিং রাজপুত থেকে সারা আলি খানের। বলিউডের অন্যতম পরিচিত কাস্টিং ডিরেক্টর মুকেশ ছাবরা। বৃহস্পতিবার মাতৃবিয়োগ হল 'দিল বেচারা' পরিচালকের। এদিন মুস্বইয়ের কোকিলাবেন ধীরুভাই হাসপাতালে শেষ নিঃশ্বাস ত্যাগ করেন মুকেশের মা, কমলা ছাবরা।



নববর্ষের প্রাক্কালে চোখ ধাঁধানো অডিটোরিয়াম উপহার পেল শহরবাসী। প্রায় ৪৪০ কোটি টাকা খরচ করে থ্রি টায়ার ইন্ডোর স্টেডিয়াম তৈরি করেছে পূর্ত দফতর। কলকাতা পেল এক বিশ্বমানের অডিটোরিয়াম। বৃহস্পতিবার এর উদ্বোধন করলেন বাংলার মুখ্যমন্ত্রী মমতা বন্দ্যোপাধ্যায়।



# ঘোড়া দাঁড়িয়ে ঘুমানোর সময় পরে যায় না কেন?

আদিমকালে ঘোড়া বনে-জঙ্গলে বাস করত। আদিমকালে ঘোডারা বসেই ঘুমাতো। কিন্তু তখন তাদের বাঘ বা অন্যান্য হিংস্র প্রানীদের কাছ থেকে ছুটে পালাতে বেশি সময় লেগে যেত আর এর ফলে তারা হিংস্র প্রানীদের কবলে পরে যেত। এই সময় নিজের সুরক্ষার কথা মাথায় রেখেই সে দাঁড়িয়ে ঘুমানোর অভ্যাস শুরু করে। কালের বিবর্তনের সাথে সাথে এই দাঁড়িয়ে ঘুমানোর বিষয়টিও তাদের সাথে অঙ্গাঅঙ্গি ভাবে জড়িত হয়ে যায়। আর ঘোড়ার বিশেষত্ব হল সে দিনে মাত্র চার ঘণ্টা ঘুমায়।এই রকমভাবে দাঁড়িয়ে ঘুমানোর জন্য ঘোড়ার শরীরের গঠনের পরিবর্তন হতে থাকে। ঘোড়া যখন দাঁড়িয়ে ঘুমায় তখন তার শরীরে এক বিশেষ প্রকার ক্রিয়া চালিত হয়। ঘোড়ার শরীরের হাড়ের জয়েন্ট বা লিগামেন্টগুলি একসাথে লেগে যায়। আর এর ফলেই ঘোড়া দাঁড়িয়ে ঘুমালেও সে পরে যায় না।



# বিজ্ঞান মেলার শুভ উদ্বোধন কালনায়

কল্যাণ দত্ত, পূর্ব বর্ধমান:- পরিবেশ দৃষণের বিরুদ্ধে সচেতনতা বাডানোর লক্ষ নিয়ে, পশ্চিমবঙ্গ বিজ্ঞান মঞ্চ বর্ধমান জেলা কমিটির উদ্যোগে এবং কালনা কলেজের সহযোগিতায় জেলা বিজ্ঞান মেলার শুভ উদ্বোধন হলো বর্ধমান বৃহস্পতিবার। পূৰ্ব জেলার,কালনা কলেজে আয়োজিত বিজ্ঞান জেলা মেলা চলবে বৃহস্পতিবার ১৩ তারিখ থেকে আগামী ১৬ তারিখ পর্যন্ত। এই দিনের উপস্থিত অনুষ্ঠানে ছিলেন, জ্যোতির্বিজ্ঞানী ডক্টর দেবী প্রসাদ দুয়ারী, পশ্চিমবঙ্গ বিজ্ঞান মঞ্চের কার্যকরী সভাপতি সত্যজিৎ চক্রবর্তী, কালনার মহকুমা শাসক সুরেশ কুমার জগত, কালনা কলেজের প্রিন্সিপাল তাপস সামন্ত, শিক্ষারত্মপ্রপ্ত শিক্ষক তাপস কুমার কার্ফা সহ আরও অন্যান্য বিশিষ্টজনেরা। বিজ্ঞান নিয়ে পড়াশোনার ক্ষেত্রে ছাত্র-ছাত্রীদের অনীহা প্রসঙ্গে এদিন বৃহস্পতিবার বলতে গিয়ে বিখ্যাত জ্যোতির্বিজ্ঞানী দেবীপ্রসাদ দুয়ারী বলেন, এই রাজ্যে বিজ্ঞানের পরিকাঠামো সেইভাবে নেই। তিনি বলেন, বিএসসি, এমএসসি পডে কি এই রাজ্যে চাকরি পাওয়া সম্ভব? সাইন্স টেকনলজিটির জন্য এই রাজ্যে কি রয়েছে! এ্যাবসল্যুটলী নাথিং। পাশাপাশি ছাত্রদের কলেজে পড়তে এসে ছাত্র ইউনিয়ন নিয়ে মাতামাতি না করার জন্যও বলেন তিনি, পড়াশোনা নিয়ে মনোনিবেশের কথা তিনি তার বক্তব্যে তুলে ধরেন।



# বিশেষ চাহিদা সম্পন্ন শনাক্তকরণ

নিজস্ব সংবাদদাতা পূর্ব বর্ধমান:- (প্রতিবন্ধী) বিশেষ চাহিদা সম্পন্ন শনাক্তকরণ শিবির হলো বৃহস্পতিবার মন্তেশ্বর ব্লক প্রাথমিক স্বাস্থ্য কেন্দ্রে।

রাজ্যের মুখ্যমন্ত্রী মমতা বন্দ্যোপাধ্যায়ের নির্দেশে ষষ্ঠতম দুয়ারে সরকার শিবিরে বিশেষ চাহিদা সম্পন্ন যে সকল মানুষরা আবেদনপত্র দিয়েছিলেন সেই সকল বিশেষ চাহিদা সম্পন্ন মানুষদের শনাক্তকরণ করা হয় বৃহস্পতিবার মন্তেশ্বরের ব্লক প্রাথমিক স্বাস্থ্য কেন্দ্রে । কালনা মহকুমা হাসপাতালের প্রতিনিধি দ্বারা ১৫ থেকে ১৬ জন বিশেষ চাহিদা সম্পন্ন মানুষকে সনাক্তকরণ করা হয় এইদিন।



# পরিতক্ত বাড়ির ভিতর থেকে গলায় ফাঁস লাগানো অবস্থায় মধ্যবয়স্ক পুরুষের পচা গলা মৃতদেহ উদ্ধার

#### নিজস্ব সংবাদদাতা


পূর্ব বর্ধমান:- পূর্ব বর্ধমান জেলার খণ্ডঘোষ থানার অন্তর্গত খণ্ডঘোষ গ্রামের রাধাবল্লব- তলা এলাকায় পরিত্যক্ত একটি বাড়ির ভিতর থেকে গলায় ফাঁস লাগানো অবস্থায় উদ্ধার হলো মধ্যবয়স্ক এক পুরুষের পচা গলা মৃতদেহ। আর এই ঘটনার জেরে বৃহস্পতিবার চাঞ্চল্য ছডিয়ে পডে গোটা খণ্ডঘোষ গ্রাম জডে।এলাকাবাসী সূত্রে জানা যায়, অতিরিক্ত গরমের জেরে গত তিনদিন ধরে ওই এলাকা থেকে দুর্গন্ধ বের হতে থাকে। পাশাপাশি ছাত্র-ছাত্রীরা স্কুল যাওয়া আসার পথে ওই এলাকা থেকে প্রচন্ড পরিমাণে দুর্গন্ধ বের হচ্ছে বলে এলাকাবাসীদের জানান। তবে ওই দুর্গন্ধ কোথা থেকে বের হচ্ছে তার উৎস খুঁজে বের করতে পারছিলেন না এলাকার সাধারণ মানুষজন। বৃহস্পতিবার দুপুরে এলাকারই বেশ কিছু মানুষজনের নজরে আসে বিষয়টি, এবং তারা নিশ্চিতভাবে বুঝতে পারে দুর্গন্ধ টি ওই পরিত্যক্ত বাড়ির ভেতর থেকেই বের হচ্ছে, পাশাপাশি দূর থেকে একটি জানালা দিয়ে দেখা যায় ওই বাড়ির মধ্যে কেউ কালো রঙের জামা পড়ে ভেতরে বসে রয়েছে। এরপরই তড়িঘড়ি খবর দেওয়া হয় খণ্ডঘোষ থানার পুলিশকে।খণ্ডঘোষ থানার পুলিশ এসে ওই পরিতক্ত বাড়ির ভিতর থেকে গলায় ফাঁস লাগানো অবস্থায় মধ্যবয়স্ক এক পুরুষের পচা গলা মৃতদেহ উদ্ধার করেন। তবে এখনো পর্যন্ত এই মৃত ব্যক্তির নাম পরিচয় কিছুই জানা যায়নি। খন্ডঘোষ থানার পুলিশ মৃতদেহটি উদ্ধার করে, মৃত ব্যক্তির নাম পরিচয় জানার পাশাপাশি সমগ্র ঘটনার তদন্ত শুরু করেছে।



# দ্বিতীয় দিনেও হুগলি চুঁচুড়া পৌরসভার অস্থায়ী কর্মীদের আন্দোলনের মধ্যেও স্বস্তির খবর বিপাক্ষিক বৈঠক ফলপ্রসূ

#### নিজস্ব সংবাদদাতা

হুগলি:- বৃহস্পতিবারও গোটা দিন কার্যত পৌর পরিষেবা থেকে বঞ্চিত রইলো হুগলী চুঁচুড়া পৌরসভা বাসী। মজুরি না পেয়ে অস্থায়ী কর্মীদের আন্দোলন দ্বিতীয় দিনেও অব্যাহত রইলো হুগলী চুঁচুড়া পৌরসভায়। প্রসঙ্গত উল্লেখ্য হুগলী চুঁচুড়া পৌরসভার অস্থায়ী কর্মীরা মজুরি না পেয়ে প্রতিবাদে বুর্ধবার পথ অবরোধ এবং পরে পৌরসভা গেট আটকে অবস্থানে বসে, পৌরসভার গেটে ঝুলিয়ে দেয়া হয় তালা। সৃষ্টি হয় উত্তপ্ত পরিস্থিতির। বিকেল ৫টা পর্যন্ত কোনো সুরাহা না মেলায় অবশেষে তারা উঠে যান। তবে বৃহস্পতিবার দ্বিতীয় দিনে ফের সকাল থেকেই পৌরসভার গেট বন্ধ রেখেই অবস্থানে সামিল হন অস্থায়ী কর্মচারীরা।যতক্ষণ পর্যন্ত না তাদের সুরাহা মিলবে ততক্ষণ আন্দোলন জারি থাকবে বলেই জানান অস্থায়ী কর্মীরা। অবশেষে বেলা বারোটা নাগাদ হুগলী চুঁচুড়া পৌরসভায় এসে উপস্থিত হন পৌরপ্রধান অমিত রায়, উপ পৌর প্রধান, ফিনান্স অফিসার ও সি আই সি দের নিয়ে বৈঠক করেন। এর পর দ্বিতীয় দফায় আরও ১টি বৈঠক হয় যেখানে অতিরিক্ত হিসাবে যোগদান করেন অস্থায়ী কর্মীদের ৪ জনের প্রতিনিধি দল। বৈঠক শেষে অস্থায়ী শ্রমিক সংগঠনের পক্ষে অসীম অধিকারী জানান আলোচনা ফলপ্রসু হয়েছে। এই প্রসঙ্গে পৌরপ্রধান জানান আগামীকাল থেকে তিনদিন ছুটির থাকায়, সোমবার অস্থায়ী কর্মীদের মজুরি প্রদানের বিষয়ে উদ্যোগ গ্রহন করা হবে। অতঃপর দুপুর ২টো নাগাদ খুলে দেওয়া হয় পৌরসভার গেট।তবে গেট খুললেও কোনো কর্মীকেই কাজে যোগ দিতে দেখা যায়নি।



# মটর পাম্প দিয়ে জল চুরির অভিযোগ, জলসঙ্কটে সাধারণ মানুষজন।

সন্তু মুখার্জী, হুগলী:- ব্যান্ডেলের দেবানন্দপুর গ্রাম পঞ্চায়েতের অন্তর্গত দেবানন্দপুর সহ

কোদালিয়া -১ অঞ্চলে পানীয় জলের কন্ট দীর্ঘদিনের। দেবানন্দপুরে পি এইচ ই র তত্ত্বাবধানে পানীয় জল প্রকল্প থেকে বেআইনিভাবে মটর পাম্প দিয়ে কিছু সংখ্যক বাড়ির জল চুরির অভিযোগ স্থানীয় মানুষজনের। জলসঙ্কটে সাধারণ মানুষজন। জল চুরি নিয়ে এলাকায় উত্তেজনা সৃষ্টি হয়। ঘটনাস্থলে স্থানীয় পঞ্চায়েতের আধিকারিক সহ ব্যান্ডেল পি.পি থানার পুলিশ ঘটনাস্থলে গিয়ে কিছু সংখ্যক বাডি থেকে বেআইনি মটর পাম্প উদ্ধার করে, আটক করে একজন ব্যক্তিকে। ঘটনাস্থলে স্থানীয় বিধায়ক উপস্থিত হলে স্থানীয় মানুষ পঞ্চায়েতের ওপর ক্ষোভ প্রকাশ করে, স্থানীয় পঞ্চায়েতের বিরুদ্ধে অভিযোগ ব্যক্ত করে। সাধারণ মানুষের কন্টের কথা শুনে, বিধায়ক স্থানীয় পঞ্চায়েতের কর্মকর্তার ওপর ক্ষোভ উগরে দেয়। বিধায়ক অসিত মজুমদার বলেন যথাযথভাবে পঞ্চায়েত সহ পি এইচ ই আধিকারিকদের সঙ্গে কথা বলে দ্রুততার সঙ্গে ব্যবস্থা গ্রহণ করব। সাধারণ মানুষের জল কষ্ট রাঘব না হলে কাউকে বরদাস্ত করা হবে না, পাশাপাশি জল চোরেদেরও রিয়াদ করা হবে না।



## ১৪ এপ্রিল বীরভূমের সিউড়িতে সভা করবেন দেশের স্বরাষ্ট্রমন্ত্রী তার প্রস্তুতি চলছে জোর কদমে!

কৌশিক গাঙ্গুলী ,বীরভূম:- বীরভূমের সিউড়িতে বেণীমাধব স্কুল মাঠে সভা করবেন দেশের স্বরাষ্ট্রমন্ত্রী অমিত শাহ ১৪ ই এপ্রিল! তার প্রস্তুতি চলছে জোর কদমে! সেই সমস্ত কাজ খতিয়ে দেখলেন বিজেপির রাজ্য সভাপতি সুকান্ত মজুমদার! তিনি আরো জানান বীরভূমের সিউড়িতে এত বড় জনসভা হবে এই প্রথম ।প্রায় লক্ষাধিক লোক হবে আশা করছেন।

#### SS AD MEDIA

Print Media Advertisement, TV dvertisement, Radio Advertisement, Handbill Campaigning, Audio Visual Designing, Magic Programme, dvertisement Designing, Promotions, Outdoor Hoarding, Party and Event
Organising, Press meet, Model
rrangement, Hotel Booking, Package
tour, Still and Video Photography

Contact: Soumik Mob. 9903583821 / 8240168370 Email : ss.admedia@yahoo.com



# তিলজলার জুতো কারখানায় ভয়াবহ আগুন মৃত দুই

নিউজ ডেস্ক

ধীমান কুন্ডু:-ভয়াবহ অগ্নিকাণ্ডের জেরে ভস্মীভূত হল তিলজলা এলাকার একটি চটি একাধিক কারখানা। রাসায়নিক দাহ্য বস্তু মজুত থাকায় দুৰ্ঘটনা পুলিশের বলে অনুমান। তবে আগুন লাগার কারণ এখনও জানা যায়নি। ঘটনাস্থলে দমকলের ৪ টি ইঞ্জিন উপস্থিত হয়ে আগুন নেভানোর কাজ শুরু করে এবং দুই জনের অগ্নিদপ্ধ দেহ উদ্ধার করে,মৃতদের নাম, মহঃ নাসিম আখতার ওরফে জসিম (৪৫), অপরজনের নাম মহঃ আমির (২৫), তাঁরা সম্পর্কে বাবা-ছেলে বলে জানা গেছে। স্থানীয় সূত্রের খবর যুদ্ধকালীন তৎপরতায় চলছে নেভানোর কাজ



# রিষড়ার মৈত্রী পথে আগুন, এলাকায় উত্তেজনা

<u>নিজস্ব সংবাদদাতা</u>

**তুগলি:**- রিষডা পৌরসভার পাঁচ নম্বর ওয়ার্ডের অন্তর্গত জিটি রোড সংলগ্ন মৈত্রী পথে আগুন বৃহস্পতিবার। স্থানীয় বাসিন্দারা প্রথমে আগুন নেভানোর কাজ শুরু করেন।পরে দমকলের একটি ইঞ্জিন আগুন আয়ত্তে আনে।এলাকার বাসিন্দা ও ব্যাবসায়ীদের একাংশ জানান, মূলত শর্ট সার্কিট থেকেই এই আগুন লাগে, প্রথমে বিদ্যুৎবাহী তারে ফ্ল্যাশ হয়, সেই আগুন পোষ্টে বাধা নানা ধরনের কেবেল লাইনের উপর পড়ে আর তা থেকেই আগুন, মৈত্রী পথের বিস্তীর্ণ অঞ্চলে পড়ে।ঘটনাস্থলে হুগলির ছডিয়ে চন্দননগর পুলিশ কমিশনারেটের রিষড়া পুলিশ ও সিইএসসি-র আধিকারিকরা ছুটে আসেন। স্থানীয় বাসিন্দারা জানান, যেভাবে বিদ্যুতের পোস্টে নানা কোম্পানি নানা ধরনের কেবিল অবৈজ্ঞানিকভাবে বাধা রয়েছে তাতে আগামী দিনেও আরও বড় কোনো দুর্ঘটনার সম্ভাবনা থেকেই যাচ্ছে।







হরিদেবপুর ৪১ পল্লী ১ই এপ্রিল, ২০২৩, রবিবার যোগাযোগ - ৯২৩০৮ ১৮০৬৯

রাজতাঙ্গা নব উদয় সংঘ ২৩শে এপ্রিল, ২০২৩, রবিবার মোঃ - ৯৮৩০০ ৬৮৫২১ বাঘাযতীন বিবেকানন্দ মিলন সংঘ ৩০শে এপ্রিল ও ১লা মে, ২০২৩ মোঃ - ৯৩৩০৮ ৬১৯৯৮

বাঘায়তীন বিবেকানন্দ মিলন সংঘ ৩০শে এপ্রিল ও ১লা মে, ২০২৩ মোঃ - ১৩৩০৮ ৬১৯৯৮

পুরস্কার বিতরণী অনুষ্ঠান ১৪ই মে (রবিবার) বিকাল ৩টে রামকৃষ্ণ মিশন ইনস্টিটিউট অফ্ কালচার, গোলপার্ক, দক্ষিণ কলকাতা